

== Приложение къ „Наукѣ“ на 1911. годѣ. ==

Нумеръ 1.

Январь, 1911.

Годъ изданія I.



ДУХОВНА И ПОУЧИТЕЛЬНА ГАЗЕТА ДЛЯ УГРО-РУСЬНИХЪ СЕЛЯНЪ.

#### СЕЛО

приложится къ „Наукѣ“ въ объемѣ двухъ печатныхъ листовъ въ половинѣ каждого мѣсяца, изъѣвшие два лѣтнихъ мѣсяца (юлій и августъ), за себѣ вмѣсто „Села“ даеся одинъ „Календарь“.

#### ПРЕДПЛАТА:

Въ Угорщинѣ и Австрiи:  
За „Науку“ и „Село“ на годъ 8 кор.  
За самое „Село“ на годъ . . 2 „  
Поодинокъ книжочка „Села“ 20 фил.  
Въ Америкѣ и Россiи:  
За „Науку“ и „Село“ на годъ 10 кор.  
За самое „Село“ на годъ . . 3 „  
Кто наразъ закаже 10 экземпляровъ,  
тому изъ предплатъ счтается 20%,  
т. е. пятая часть.

Адресъ редакціи:

A „SZELO“ SZERKESZTŐSÉGÉNEK  
UNGVÁR  
(Rákóczi-utca 34. szám.)

#### ОБЪЯВЛЕНІЯ

принимаются по цѣнѣ:

За 1 сторону . . . . .	20 кор.
За 1/2 „ . . . . .	15 „
За 1/4 „ . . . . .	10 „

При частѣйшемъ объявленіи  
удѣляется рабать, и то:

Отъ 2—3-разового объявленія	100%
Отъ 4—6 „ „	150%
Отъ 7—10 „ „	200%

За объявленія редакція не отвѣчае.

Редакторъ-издатель: О. АВГУСТИНЪ ВОЛОШИНЪ.

**СОДЕРЖАНІЕ:** Братья и Сестры! — Духовна жизнь. О церквахъ нашихъ. Св. Павелъ Епбейскій (Вышнянскій.) — Бесѣда. При яслехъ (Стих.). Св. вечеръ. (Повѣсть). — Изъ природы и жизни. Наша Верховина. О вселенной. — Проста бесѣда. — Господарство. Якъ треба землю обробляти? Планы селянскихъ хижъ. — Домашній адвонать. Что нужно знати изъ права нашимъ селянамъ. Репозиція (Д-ръ Юлій Брацайко.) — Что нового?

Унгваръ, 1911.

ПЕЧАТАНО БУКВАМИ АКЦІЙНОГО ОБЩЕСТВА „УНІО“.



## **„НАУКА“**

еженедѣльна, церковна и общественна газета, выходить въ каждую среду въ объемѣ 8 страницъ 4<sup>о</sup> формата.

Подае церковныя поученія, распоряженія властей, поучительныя статьи о познаніяхъ вѣры и обряда, изъ исторіи и этнографіи нашего народа, толкуе социальныя нужды и задачи наши, подае и забавное чтеніе, сказки, стихи, повѣсти и увѣдомляе о новостяхъ. Къ „Наука“ каждого мѣсяца разъ приложится „Село“ поучительна, иллюстрированна книжочка для селянъ.

Предплата на годъ за „Науку“ и „Село“ 8 кор., (изъ за границъ 10 кор.), за самое „Село“ 2 кор., (изъ за границъ 3 кор.)

---

## **Появился гр. католическій ВЕЛИКІЙ КАТЕХИЗМЪ,**

который содержитъ въ себѣ все науки  
: нашей восточно католической вѣры. :

Каждая фамилія неотмѣнно потребуе сію подручну книжку, ибо сія обширно и основательно научае взрослыхъ на нашу вѣру и на нашъ восточный обрядъ. Образками иллюстрированный сей Катехизмъ написавъ помершій **д-ръ Александеръ Микита** по слѣдамъ **Куткового Катехиза**, а подтвердивъ и нашему народу для науки вручавъ **мукачевскій нашъ епископъ д-ръ Юлій Фирцакъ**. Сей есть наибольшій Катехизмъ нашей вѣры и нашего обряда.

Цѣна 80 фил. въ переплетѣ, на почту еще 10 фил.

---

Народу читати вечеромъ!

## **О ПЯТЬ РѢЧИ ВѢРЫ О**

въ великопостныхъ катихитичныхъ проповѣдяхъ.

На прекрасномъ русскомъ языкѣ преподае намъ головнѣ рѣчи христіанско католической вѣры, священникамъ къ проповѣдямъ, а вѣрникамъ для поучительного чтенія найособнѣйша брошура.

Цѣна нетто 50 фил., на почту окремъ 5 фил.



# СЕЛО

ПОУЧИТЕЛЬНА ГАЗЕТА ДЛЯ УГРО-РУСЬКИХЪ СЕЛЯНЪ.

Выходитъ разъ въ мѣсяцъ. — Предплатъ на годъ за „Науку“ и „Село“ 8 кор., (за границу 10 кор.), за самое „Село“ 2 кор., (за границу 3 кор.) Поодин. книжочка „Села“ 20 фил. — Редакція: Ungvár, (Rákóczi-utca 34.)

## Братья и Сестры!

Въ одномъ англійскомъ селѣ завязалось товариство молодыхъ работниковъ и земледѣльцевъ. По работѣ сходились въ одной маленькой хижѣ и тамъ розмовою и голоснымъ чтаньемъ книжонокъ образовались и ширили свои вѣдомости. Товариство сіе стало сбольшатися такъ, что у пару тыждней уже большу хижу собѣ выарендовали и запросили одного разумнѣйшого товариша, чтобы приношовавъ имъ добрѣ книжки и обучавъ ихъ.

По примѣру того села завязались такѣ товариства и въ сосѣднихъ селахъ и чтобы члены имѣли хосенное чтеніе, основали собѣ новинки, стали выдавати простонароднѣ просвѣтительнѣ книжочки.

И пошла буква и наука въ народъ, и поднявся народъ англійскій къ културѣ и благобыту.

Что значить сила науки, о томъ свѣдчить богатство и благобытъ Англіи и Америки.

\*

И вы братья потребуете помочи науки! Сесея помочь высвободить васъ изъ теперѣшного вашего упадку! Наука воздвигне въ васъ вашу власну силу, не будете у чужихъ жебрати, но сами собѣ поможете; ибо наука просвѣтитъ вамъ очи душевнѣ, отдалитъ отъ васъ вороговъ, придасть вамъ охоты къ работѣ и поведе васъ къ успѣху!

И чтобы 'сте сесею науку легко могли найти, чтобы 'сте не трудились много, пока добудете даякое познаніе, для того



рѣшила редакція „Науки“ для нашихъ селянъ издавати такую новинку, котра практично, популярно, зрозумѣло толкуе познанія, и притомъ дешева!

Совсѣмъ для селянъ буде издаватися наше „Село“, котрое каждого мѣсяца разъ буде виходити и въ объемѣ двохъ печатныхъ листовъ (32 сторони) буде обучовати всему, что вамъ нужно и полезно.

Буде васъ обучовати въ дусѣ Христовой науки, ибо вѣчна то правда, что „начало премудрости — страхъ Господень“.

Буде васъ обучовати въ щиромъ патріотизмѣ, по потребамъ искренней преданности къ нашей милой тысячелѣтней отчизнѣ, котра сердечно пріяла до себе предковъ нашихъ и усилюся улучшати долю нашу.

Будеме васъ обучовати практично такъ, чтобы вы хосенъ той науки могли увидѣти и приспособити къ вашей духовной и экономичной жизни.

Мы бы желали васъ довести до того, чтобы межи вами не было неграмотного, чтобы въ каждомъ селѣ была читальня, курсы для подростковъ, кредитна касса и торговля, чтобы вы знали свои права и должности и такъ подкрѣпившиися наукою и организаціями могли жити свободнымъ, независимымъ, культурнымъ животомъ.

„Село“ буде вамъ подавати поучительное чтеніе изъ духовной жизни, буде толковати вѣру, обрядъ нашъ, возбуждати родичовъ и учителей, чтобы побожно воспитывали нашу молодежь; изъ нашей исторіи подасть поучительнѣ воспоминанія, изъ котрыхъ можеме черпати изъ одной стороны увагу къ нашимъ предкамъ, къ нашей минувшости, изъ другой стороны лѣпше порозумѣти задачи наши для будущности; изъ природы и жизни получить читатель статьи, объясняющѣ силы и сотворенія природы, ихъ приспособленіе къ животу человѣка; будеме вамъ писати о поступахъ физики, хеміи, астрономіи, о житію-бытію другихъ культурныхъ народовъ. Способы господарства также быстро перемѣняются и розвиваются, для того о



новѣйшемъ развитіи земледѣльства, скотоводства, пчоларства, рыболовства, садоводства, о соціальныхъ институціяхъ, о ширеніи домашнього промысла, о кредитныхъ кассахъ и торговляхъ также много матеріалу маеме для писанья.

Домашній адвокатъ „Села“ буде вамъ толковати ваши гражданскѣ права и должности, а „Бесѣда“ буде приношувати казки, стихотворенія, повѣсти.

Увѣдомляти будеме васъ и о важнѣйшихъ новостяхъ, случившихся въ свѣтѣ и дома.

Межи статьями серіозного содержанія помѣстиме сѣмъ-тамъ анекдоты, чтобы читателей нашихъ розвеселяти и путемъ смѣха приводити къ познанію правды.

Каждого мѣсяца достане читатель „Села“ такую поучительну и иллюстрованну книжочку, лишь въ два лѣтнѣ мѣсяцы юлій и августъ не появится „Село“, но вмѣсто того съ книжечкою мѣсяца декабря достане читатель единъ „Календарь“; и за все то платитъ лишь 2 (двѣ) короны на цѣлый рокъ, а поодинокую книжочку може купити за 20 фл.

Кто собере 5 читателей, тому „Село“ буде высылатися даромъ, а кто по 10—20 або больше экземпл. „Села“ буде продавати, тому удѣлитися 20 процентовой опусть изъ предплаты.

Теперь же братья, приступайме до работы! Кто годенъ, най подперае насъ перомъ, чтобы газета наша чѣмъ богатшу науку могла народу подавати, кто же перомъ не робить, тотъ най ширить наше „Село“, обы не было такого кута подъ нашими синими „Карпатами“, где бы не читали, не училися!

Съ Богомъ въпередъ!





## ДУХОВНА ЖИЗНЬ.

### О Церквахъ нашихъ.

#### I.


Церковь или храмъ Божій есть зданіе и мѣсто святое особенно Богу посвященное, гдѣ вѣрники собираются для того, чтобы Бога молили, Богу воздали хвалу и благодареніе, чтобы божественными Таинствами освящались. Понеже Богъ есть на всякомъ мѣстѣ и повсюду притомный и цѣла все-ленна, цѣлый свѣтъ есть великолѣпный храмъ и найкрасша Церковь Его, Бога на всякомъ мѣстѣ и повсюду можно молить. Но разомъ Богъ человѣка такъ сотворивъ, что безсмертна душа наша непрестанно рвеса за Богомъ на только, что якъ рыба не може жити безъ воды, такъ и безсмертна душа наша не може жити безъ Бога. Прекрасно указуе сію истинну исторія рода человѣческаго. Ибо отъ коли есть свѣтъ и человѣкъ жие на сей земли, родъ человѣческій никогда не бывъ безъ престола, никогда не бывъ безъ жертвъ и слѣдовательно никогда не бывъ и не живъ безъ Бога.

Першій бо престолъ создали уже — якъ читаеме въ св. Писаніи — Каинъ и Авель, чтобы на немъ принесли Богу жертву; потому читаеме, что и Ной соорудивъ престолъ, чтобы воздавъ Богу благодареніе, что такъ чудесно спасся отъ всемірного потопа. Позднѣйше читаеме, что на повелѣніе Божіе престолъ создали Авраамъ и скинію завѣта Мойсей. На конецъ же царь Соломонъ въ Іерусалимѣ создавъ такіи прекрасный и великолѣпный храмъ Божій, что изъ далекого свѣта приходили въ Іерусалимъ — даже и язычники (погане) чудоватися и видѣти сей прекрасный храмъ, сіе прекрасное зданіе. (Рис. на 5. стор.)

Въ новомъ же завѣтѣ першій престолъ бывъ тотъ св. крестъ, на котромъ сладчайшій Спаситель нашъ Іисусъ Христосъ принесъ въ жертву Богу Отцу самого себе — за грѣхи рода человѣческаго. Но такожде першій



престолъ бывъ и тотъ св. столъ, на котромъ установивъ сладчайшій Спаситель на Тайной Вечери безкровну жертву нового завѣта. И по повелѣнію сладчайшого Спасителя сію безкровну жертву непрестанно приношали самый первыйразъ Апостолы Его, потому же наслѣдники Апостоловъ: Епископы и Іереи. Но першѣ христіане — предки наши — не въ Церковь собиралися для богослуженія — (или якъ они говорили „для переломленія хлѣба“) — но сойшлися въ тайныхъ, неприступныхъ мѣстахъ, въ лѣсахъ и въ вертепахъ, особенно же совершали богослу-




Храмъ Соломона.

женіе подъ землею, въ такъ называемыхъ „Катакомбахъ“.

И то прочто? Прото, бо першѣ христіане не годни были себѣ Церковь выбудовати, ибо такъ язычники, якъ и жида ихъ кроваво и жестоко преслѣдовали и гонили черезъ 300 годовъ. Задаръ были себѣ таже Церковь выбудовали, то язычники и жида и Церковь ихъ разорили были и ихъ позабивали. Наконецъ возстановивъ Богъ Константина Великого, императора римского, и сей царь застановивъ



гоненія противъ христіанъ рока 313-го и отъ сего часу вѣра Христова сталася свободна, даже и господствующа въ цѣлой имперіи (державѣ) римской. Отъ сего часу разомъ почали богобойнѣ христіане будовати и Церквей и то такъ, чтобы по возможности Церковь всегда алтаремъ къ востоку была обернута. И то прото, ибо востокъ, якъ страна свѣта, теплоты и радости, красно означае небо. Но и зато будовали першѣ христіане Церковь такъ, чтобы была



Катакомба св. Климента.

алтаремъ къ востоку обернута, ибо на востокѣ бывъ рай; на востокѣ родився Иисусъ Христосъ „Солнце Правды“; на востокѣ живъ, учивъ, страдавъ, померъ и воскресъ Онъ; на востокѣ будовалися и першѣ христіанскѣ Церкви; на востокѣ въ городѣ Антиохіи называлися першѣ христіане отъ имени Христа: „Христіанами“, зато и Церковь наша есть восточна и обрядъ нашъ есть восточный.



Хотя Церкви въ различныхъ столѣтіяхъ различными стилями будовалися и будуются, но внутренность Церкви такъ стародавно, якъ и теперь на 3 части есть роздѣленна и то: 1. на притворъ, 2. на корабль и 3. на алтарь. И то прото, ибо и члены Церкви Христовой суть трояки. И то на небѣ суть: 1. святѣ и сесѣ святѣ на небѣ составляютъ „Церковь побѣдоносну“; 2. на земли суть правовѣрнѣ христіане и сіи на земли живущѣ правовѣрнѣ христіане составляютъ „Церковь воинствующу“; а 3. души усопшихъ страждущѣ на мытарствѣ составляютъ „Церковь страждущу“. И въ Церкви притворъ означае Церковь страждущу, ибо въ давнихъ часахъ туй стояли и молилися кающіися грѣшники; корабль же Церкви — понеже туй стоятъ и молятся вѣрники — означае Церковь воинствующу; а наконецъ алтарь съ иконостасомъ — понеже на иконостасѣ изображенъ Іисусъ Христосъ и Пр. Дѣва Марія съ апостолами и пророками — означае Церковь побѣдоносну.

Въ Церкви найсвятѣйшее мѣсто есть престолъ въ алтарѣ, ибо на престолѣ совершаеся безкровна жертва нового завѣта (т. е. божественна Литургія или Служба Божя), зато престолъ означае и напоминаетъ насъ на крестное дерево, на котромъ Іисусъ Христосъ совершивъ откупленіе рода человѣческаго и означае и тотъ св. гробъ, въ котромъ положенно было св. Тѣло Его.

## СВЯТЫЙ ПАВЕЛЪ ОИБЕЙСКІЙ.

Святой Павелъ родился около 228-го рока въ Оибаидѣ. Родичи его богатѣ были, но скоро поумерали и онъ оставъ съ сестрою уже отданною. Школы грецкѣ и египетскѣ всѣ переучивъ и потомъ коли 15 годовъ мавъ, прійшовъ до Египта. Въ сихъ вѣкахъ царствовали Декій и Валеріанъ въ Римѣ и они дуже преслѣдовали христіанъ. Мужъ его сестры тогда хотѣвъ Павла передати мучителямъ, чтобы они его



про христіанство убили и такъ маетокъ цѣлый лишивъ бы бывся на него. Но Павелъ то узнавъ и зато утекъ въ пустыню и туй хотѣвъ онъ Богови жити. Чтобы сіе ему еще лѣпше удалось, на помощь просивъ великихъ пустынежителей и пророковъ Ілію и Іоанна Крестителя. Въ пустыни была една пещера и Павелъ въ сей пещерѣ живъ за 90 роковъ. Ъсти лишь то ѣвъ, что около пещеры выросло, пити до одной керницѣ ходивъ. Шатя его изъ лия дѣревъ было и его маетокъ единъ крестъ бывъ, предъ котрымъ онъ много молився.



Св. Павелъ Ойбейскій.

Коли Павелъ уже старенькій бывъ, живъ въ той пустыни единъ-другій пустыне житель и то бывъ св. Антоній. Единъ день св. Антоній досудивъ въ себѣ, ожъ онъ пойде по пустыни, та кедъ найде и подобного пустынежителя. Такъ и было. Св. Антоній рушився и уже два дни ходивъ, но не найшовъ никого. Разъ лишь пакъ увидѣвъ одну вовчицу, котра ишла воду пити. Св. Антоній рушився за симъ слѣ-



домъ и такъ найшовъ пещеру, где св. Павелъ живѣ. Якъ они единъ-другого увидѣли, разомъ звалися по имени своемъ, бо Богъ открывъ имена одному-другого. Павелъ звѣдався: „Скажи лишъ мнѣ, ци суть-ли еще люде, котрѣ болванамъ кланяются?“ И коли они говорили, надлетѣвъ воронъ и принесъ для нихъ единъ цѣлый хлѣбъ. Св. Антоній тогда такъ говоривъ св. Павлу: „Видишь! Богъ думавъ и на то,



Смерть св. Павла онбейского.

о~~ж~~ъ я днесъ гостя буду мати, бо цѣлый хлѣбъ мнѣ заславъ, ибо до теперъ я лишъ половину хлѣба достававъ. А теперъ коли'сме двое, тогда единъ цѣлый хлѣбъ загнавъ намъ съ ворономъ“. Тогда попросивъ св. Павелъ св. Антонія, чтобы онъ погребъ его, бо онъ уже умерати мае и правѣ за то загнавъ бывъ св. Антонія, чтобы принесъ онъ ему одну мантию и его въ мантии погребъ. (Мантия была плащъ пусты-



ножителѣй въ тыхъ вѣкахъ.) Св. Антоній якъ сіе учувъ, заплакавъ, ожъ его Павелъ такъ скоро лишитъ. Но повиноватися хотѣвъ и зато рушився домой, чтобы принести мантию Павлови. Дома звѣдалися отъ св. Антонія товариши, же где онъ бывъ, но Антоній лишь въ груди бився и такъ казавъ: „Горе мнѣ грѣшному, бо я фалшиво ношу имя пустыножителя, ибо есть единъ дуже богобойный пустыножитель въ пустыни, котрый многоразъ честиѣйше жіе отъ насъ!“ Такъ говорячи св. Антоній, хопивъ мантию и бѣгъ назадъ до пустыни, чтобы св. Павла еще живого найшовъ. Но то уже не давъ ему Богъ, ибо другого дня, коли онъ приближався къ пещери св. Павла, увидѣвъ, ожъ ангелы несутъ душу его до неба. Св. Антоній прійшовъ плачучи и облекъ св. Павла въ мантию. Одежу же листяну Павла на только почитавъ, что дома лишь дваразъ бравъ ю на себе и то на Великдень и на Русаля (зеленѣ святки.)

Коли св. Антоній облекъ св. Павла, розпозеравъ, ожъ якъ бы поховати св. Павла? Чѣмъ бы выгребсти ему? Тогда прибѣгли два львы, поклонилися и ногами выгребли гробъ и такъ св. Антоній могъ уже погребсти честно св. Павла. Мѣсто сіе въ цѣлой Ѳеваиды въ великомъ почитаніи было. Мощи его переношovali отъ мѣста на мѣсто. Изъ першу перенесли до Цареграда, за часовъ царя Мануила Комнена, потомъ понесли до Венеціи и оттамъ перенесли ихъ до Угорщины до Будина. Една часть его мощей (изъ головы) почитается въ Римѣ!

Переписуе: Вышнянскій.

## БЕСѢДА.

### ПРИ ЯСЛЕХЪ.

Когда Исусъ мавъ спати ити,	Коли миле дѣтя лягло,
Ангелы съ неба сходили;	Стали ближе, якъ то яло,
Каждый въ руки бравъ звѣзду,	Довкола постельки тихцемъ,
До постельки свѣтивъ Христу!	За руки взявшися вѣнцемъ.



Одинъ саменькій изъ боку ставъ,  
 Одинъ до всѣхъ ихъ не приставъ:  
 Мавъ на челѣ вѣнокъ 'зъ терня,  
 Кровь 'зъ рукъ, изъ ногъ долу плыла.

---

## Святый вечеръ.

Настя Бездольна сидѣла заклопотана при столѣ и роздумовала, якимъ бы то способомъ роздобыти дасколько крейцаровъ, та хоть что то купити до хаты... Завтра святый вечеръ, вся земля буде радоватись великимъ торжествомъ, въ каждомъ домѣ появится на застеленномъ столѣ рыба и всякъ другъ стравы, якихъ звычайно мае быти ажъ дванадцять, а у ней что буде? Вотъ лучше бы и не думати на то! Мужъ Иванъ отъ двоухъ лѣтъ сидитъ въ Америцѣ, бо дома не было изъ чого жити. Съ початку присылавъ мало грошей, но потомъ написавъ, что коло него также бѣда, что онъ жде лишъ, чтобы заробити на дорогу, и сейчасъ вертае до краю, но до нынѣшного дня ни его, ни грошей не видати. А сына Степана забрали до войска и такъ она сама, съ дробными дѣтьми, лишилась дома. А газдовство сего лѣта иде якъ изъ камня... Коли такъ роздумуе бѣдна Настя, входитъ въ хижу „присяжный“ Семень.

— Слава Іисусу Христу!

— На вѣки слава, чтожъ нового приносите Семене?

— А вотъ маєте якійто реценисъ изъ почты...

Настяхватила подану ей карточку дрожащими руками, и хотя читати не знала, однако стала всмотриватись въ ту карточку, якъ бы глядала на ней якого то знаку. Цѣлкомъ така, якъ на гроши. А може то не до мене, думаетъ собѣ, бо мой Иванъ писавъ, что ему дуже тяжело приходится жити, а отъ кого другого я грошей могу достати? А може то Иванъ доставъ хорошій заробокъ и присылае гроши!...

— Такъ думаю гроши маєте изъ Америки — заговоривъ Семень, грѣючи руки коло печи...



— Та кобы Богъ давъ, бо видите Семене, у насъ уже така бѣда, что най Мати Божа боронитъ каждого крещенного отъ такой бѣды.

— Та, чтожь дѣлати? А у мене думаете може лучше? Якъ бѣда, то всѣмъ бѣда. До того всего на дворѣ така студѣнь, что и пса жалъ выгнати изъ хижы, а тутъ видите я мушу день по дни лазити на тоту почту и нѣкого хосна чловѣкъ изъ того не мае...

Настя уже и не слухала, что говоривъ Семенъ, бо ей тота карточка изъ почты спокою не давала...

— Якъ то зле, коли чловѣкъ темный, думаете дальше Настя, — даже такой дурнички не можно розобрати, якъ вотъ сеся карточка. Моя Марійка ходитъ вправдѣ до школы, но не знати, ци она буде знати прочитати, что туй стоитъ написано... Но гдесъ забралася въ сосѣдство и сидитъ тамъ отъ самого рана, а туй уже и смеркается...

Вернули дѣти.

— Пой, уже пой, Маріо и прочитай, что туй написано на той карточцѣ?

Дѣвча подбѣгло до матери, взяло карточку въ руки и обертае на всѣ боки, но не може отчитати ни слова.

Я знаю, мамо, лишь по мадярски читати, а туй написано якось иншакъ.

Настя отобрала карточку, завилла въ хустку, спрятала за пазуху и отправивши дѣти сновъ до сосѣдки, пустилась ити на почту. Не далеко было до той почты, отже сподѣвалася еще за дня вернути.

Вѣтеръ бивъ на дворѣ, морозъ и снѣгъ по колѣна, однако Настю не вспиняли нѣкѣ перепоны. Тадъ то она иде за грошми и завтра и въ ей хатинѣ заяснѣе ясное свѣтло, и она съ дѣточками засяде коло стола, накрытого сѣномъ, застеленного бѣлымъ обрусомъ, а надъ симъ розличнѣ стравы... А по вечерѣ Марійка стане спѣвати тоту коляду, котру давнѣйше любивъ спѣвати ей Степанъ... Она такъ журилась, что нѣтъ грошей, что сумнѣ будутъ праз-



дники, а туй наразъ идуть гроши, и праздники будутъ веселѣ, такѣ, якъ у всѣхъ другихъ людей.

Роздумуючи такъ солодко, Настя даже не стямилася, якъ станула передъ почтою. Вытягнула изъ-за пазухи карточку и съ бьючимъ сердцемъ подошла до почтового оконца.

— А то вы, Настя Бездольна, маєте туй неоплаченне письмо изъ Америки — заговорила почтамештерка — мусите заплатити 50 флліровъ.

Настя въ первой минутѣ занѣмѣла... Она надѣялась грошей, а туй — неоплаченне письмо. А може тамъ въ серединѣ суть гроши — подумала — бо то Иванъ приславъ разъ доллара въ письмѣ. Мусить выкупити письмо, но она безъ флліра прійшла на почту...

— Но чтожъ, звѣдае дальше почтамештерка, возьмете письмо, ци нѣтъ?

— Та возьму, но не маю грошей...

— Та тогды бывайте здоровѣ...

— Та я донесу позднѣйше, тадь вы мене спознаете...

Почтамештерка, махнувши вконцѣ рукою, подала Настѣ письмо.

Дрожащими руками почала Настя роздирати коверту и вытягнула письмо, розвивала его обережно, однако долларовъ тамъ не было...

Любопытна была еще, что пише до ней Иванъ. Просила вѣжливо листоноша, чтобы ей прочитавъ письмо. Тотъ, поправивши собѣ окуляры, подивився на Бездольну съ горы, взявъ письмо въ руки и начавъ читати: Моѣ дорогѣ! Рождественскѣ праздники уже другій разъ будете праздновати безъ мене. Не знаю, ци вы чувствуете, якъ менѣ туй тяжело на чужинѣ, якъ менѣ тужно за вами... Коли надойде святий вечеръ и коли вы засидете до стола споживати святу вечерю, то я тогда буду навѣрно гдесъ плакати, тѣмъ больше, что заробковъ нѣтъ и туй приходится намъ теперъ дуже тяжело жити... Еднако столько потѣхи и отрады найду для свсего сердца, что душею полечу до васъ и разомъ съ вами



буду веселиться и славить новонарожденного Христа... — Листоношъ читавъ чтось дальше, но Настя его уже не чула, горячѣ слезы поплыли потокомъ изъ очей...

Прибита горемъ и журбою, вертала Настя домой. На дворѣ уже потемнѣло, а вѣтеръ сдавался вѣяти чѣмъ разъ грознѣйше. Ночь студена, морозъ, а она сама, слаба изнеможена розличными журбами, пустилась въ дорогу... Ледва жива пришла домой...

А тамъ дома сидѣли дѣти и ждали. Гренъко радовался дуже, бо мама обѣщала ему уже давно, что кедъ будутъ гроши, то купить ему на святой вечеръ такѣ паперовѣ яслѣ, где буде лежати на сѣнѣ малый Иисусъ, а надъ Нимъ буде нахилаться Пречиста Дѣва, а передъ яслями будутъ клячати пастыри и цари Востока та складати у ногъ Иисуса дары, а понадъ яслями будутъ уноситься малѣ, чудовѣ ангелики...

Вмѣсто яслей принесла мати горькѣ слезы...

Смутный бывъ то. Святой Вечеръ!

На столѣ снопъ, на снопѣ чорный хлѣбъ, котрый со-сѣдъ подаровавъ имъ.

Мати и дѣти заливались слезами!

\*

А такихъ слезъ подъ нашими хлопскими стрѣхами по-плыве нынѣ больше, бо недоля такъ розширилася надъ бѣднымъ русиномъ, что онъ сегодня, на святой вечеръ, засяде хибѣ при порожномъ столѣ и прибитый горемъ та нуждою со слезавыми очима буде витати Того, котрый прійшовъ на свѣтъ принести людямъ побѣду правды надъ ложію и положить конецъ страданіямъ.

Но Свѣтъ Христовъ розжене темноту, розжене хмары, принесе радостнѣйшій празникъ!





## ИЗЪ ПРИРОДЫ И ЖИЗНИ.

### Наша Верховина.

„Познай себе, буде съ тебе“, каже пословица. И велику правду содержитъ въ себѣ сея порада. Кедь хочеме мудро жити, та въ первыхъ маеме хорошо упознати себе, свои хибы и способности, но при томъ упознати и то, где жиѣме, межи якими обстоятельствами, что дае намъ земля, что потребуе отъ насъ климатъ нашъ, якъ боротися противъ недостатковъ и якъ выхосновати сокровища природы.

\*



Пяць города Сягота.

Угро-руській народъ жиѣ на юго-западныхъ склонахъ Карпатскихъ горъ, въ комитатахъ Шаришъ, Земплинъ, Унгъ, Берегъ, Угоча и Мараморощъ. (Немного русиновъ находится еще и въ Абауй-Торнянской, Боршодской, Саболчской и Сатмарской вармедяхъ.)

Околица, заселенна русинами, по большей части гориста, покрыта высокими великими горами, и верхами, прото и зо-весея вообще Верховиною.



Не богата, едѣнако мила намъ наша Верховина. Мила потому, что наша. Наша отъ тысячи лѣтъ, въ ней спочиваютъ кости предковъ нашихъ, прославившихся честнымъ, трудолюбивымъ животомъ, побожностью и войнами за вѣру и отчизну!

Коли туй жиѣме дома, тогда не чувствуѣме такъ тепло привязанность нашу къ милой Верховинѣ, но котрѣ выселились въ Америку, о тоты знаютъ, якъ тягне ихъ сердце въ старый край, въ тоту бѣдну, но милу отчизну, въ нашу прадѣдну Верховину!



Ткальня, мараморошсиготска.

Пой съ мною брате солодкій, укажу тобѣ съ близже тоты синѣ горы и долины, где жили твои предки и жиють днесъ братья-земляки.

#### Мараморошъ.

Наибольше русиновъ жиѣ въ Мараморошскомъ комитатѣ, котрый лежитъ на пространствѣ: 9720 килом.<sup>2</sup>; число жителей 309,598 чел., изъ сихъ русины числять: 143,621 (42,403 маляры, 47,449 нѣмцевъ, 74,978 румыновъ.) Вдолжь границы отъ комитатовъ Унгъ, Берегъ и Угоча на востокъ



розширяеся комитатъ Мараморошъ. Головный городъ Мараморош с и г е т ь, по руськи: Сиготъ, мае 17,445 жителей (людей.) Въ срединѣ прекрасной долины лежитъ Сиготъ, чудесными горами объятый. Найкрасша часть Сигота есть пяцъ. На семъ можно видѣти три Церкви: латинску, кальвинску и монастырскую. Дальше можно видѣти межи хижами и Церковь греко кат. русску и не далеко отъ ней домъ викарія, котрый О. Михаилъ Балогъ давъ сбудовати. Также и ткальню и вышивальню Михаилъ Балогъ викарій заосновавъ и въ наибольшомъ порядку веде сесѣ институты, въ котрыхъ ежерочно



Розвалины замка Хустского.

много нашихъ руськихъ дѣвчатъ обучаеся хосновитой и красной работѣ.

Не далеко отъ Сигота есть Акнаслатина; подъ землею сей околицы, много соли находится, котру съ тяжкою работою копятъ изъ подъ землѣ; подъ однимъ годомъ полъ милліона мажъ чистой соли добываютъ. Еще двѣ такѣ великѣ копальнѣ суть въ Марамороши: Ронасиеъ и Акнашугатагъ. Окремъ соли въ Акнаслатинѣ есть и купѣль для хворыхъ людей. Хустъ тамъ лежитъ, где рѣка Нодъ-Агъ втекаетъ до Тисы. Коло города на одной круглой

горѣ виднѣются розвалины замка. Сей замокъ еще изъ того часу стоитъ, коли татаре года 1241—42. вшитокъ нашъ край уничтожили и посему царь угорскій Бейла IV. цѣлый край давъ изъ нова будовати и вшитко пришло до порядку. Недалеко отъ Хуста суть еще города Тячово и Вишково.

Сама Верховина лежитъ зыше отъ Хуста. Идучи горѣ рѣкою Нодь-Агъ, все большѣ и большѣ горы указуются. Наибольшое село на Мараморошской Верховинѣ: Ökörmező, по русски: Воловое. Великѣ горы и лѣсы обружаютъ сію околицу и прото туй люде наибольше въ хашахъ роблятъ, або изъ скотоводства живутъ; скоты на лѣто выганяють на половину, котрѣ тамъ на тучной травѣ, добрѣ ся кормлятъ.



„Дарабы“.

Друга рѣка Мараморошской Верховины тече отъ Синевира черезъ села Калочава, Драгово, Тереблю и коло Буштина втекаетъ въ Тису. При сей рѣцѣ также высокѣ горы, полонины находятся, хижы селъ порозмѣтаниѣ по горахъ, въ самыхъ селахъ при дорожѣ лишь жидавскѣ бовты и корчмы увидишь. Казары поселилися на найлѣпшихъ грунтахъ, а русиновъ выгнали въ горы и лѣсы.

Третья рѣка: Тарацъ отъ границы черезъ села Дубовое, Нересницу и пр. тече и при Тарацкезѣ втекаетъ въ Тису.



Сама Тиса истекае изъ горъ Карпатскихъ подъ селомъ Kőrösmező (Ясѣня) и въ узкихъ долинахъ протекае черезъ села Квасы, Рахово, Бочково ко Сиготу, а оттамъ уже долина розширяясь, коло Хуста же Тиса оставитъ комитатъ Мараморощъ.

Мараморошскѣ русины дуже способнѣ къ роботамъ съ деревомъ; вырубакъ они дерева изъ лѣсовъ, долгѣ смереки связуютъ въ „дарабы“ и такъ провадятъ долѣ рѣкою. (Рис. 18. ст.)

Къ Мараморошу принадлежитъ еще и Должанска рѣка, котра отъ долины рѣки Нодъ-Ага роздѣлена высокою горою: Прислоомъ. (Рис.) Головное село сей околицы: Долгое, дале



Дорога на горѣ Прислопъ.

Кушница и Керецки. Въ Долгомъ е фабрика желѣза, въ котрой 300 работниковъ робить.

Въ селѣ Долгомъ находится памятникъ русиновъ-куруцовъ, котрѣ года 1703. на призывъ Франциска Раковця бодро воевали за свободу и тамъ многѣ изъ нихъ упали отъ кулей непріятелей лабанцовъ и нѣмцевъ.

Въ юговосточной части Марамороша, при рѣкѣ Вишовъ уже не лишъ русины, но и румуны бывають.

Вообще комитатъ Мараморошъ принадлежитъ къ наибольшимъ комитатамъ, и хотя не мае дуже плодороднѣ нивы,

еднако въ горахъ и лѣсахъ, въ долининахъ має свои природнѣ богатства, изъ котрыхъ можно бы розвити богатый промыслъ, скотоводство и торговлю. Жаль лишь, что просвѣтительна работа, направляюща народъ къ разумнѣйшему господарству и къ ремеслу, лишь теперь начинаеся.

## О вселенной.

Коли не е хмарь, на ясномъ небѣ видиме въ день солнце, а въ ночи мѣсяцъ и множество блестящихъ звѣздъ. Солнце, мѣсяцъ и звѣзды зовутся несесными тѣлами.


Солнце такъ ся указуе, якъ невеликій блестящій кругъ, а мѣсяцъ еще меньшимъ отъ солнца, звѣзды же представляются намъ маленькими искорками. Въ дѣйствительности же якъ солнце, такъ и звѣзды имѣють форму шара, (якъ напр. куля) подобно землѣ, но о многоразъ большѣ якъ земля; мѣсяцъ также шаръ; онъ меньшій отъ земли, но все-таки дуже великій. Отчего же солнце, мѣсяцъ и звѣзды видятся намъ меньшими, нежели они суть въ дѣйствительности? Оттого, что они находятся отъ насъ дуже далеко. Дерево, домъ, церковь, гора и всѣ предметы видятся намъ тѣмъ меньшими, чѣмъ дальше суть отъ насъ; кедъ мы къ нимъ приближаемся, предметы тоты видятся намъ все большими и большими, но мы видиме ихъ въ правдивой величинѣ лишь тогда, коли совсѣмъ близко есме къ нимъ.

Мѣсяцъ обертаеся вокругъ земли, а земля обертаеся вокругъ солнца. Мѣсяцъ совершае полный свой оборотъ вокругъ земли въ 27 дней, и въ то же время, въ одно съ землею, обертаеся вокругъ солнца; зато и зовуть го спутникомъ земли. Мѣсяцъ свѣтитъ не своимъ свѣтомъ, но свѣтомъ солнца, котрое освѣщае его. Прочто же видиме иногда полный мѣсяцъ, иногда полукругъ, иногда же одинъ тонкій серпъ?

Чтобы порозумѣти причину сего явленія, поставѣмъ возлѣ запаленой свѣчки (або лампы) глобусъ (земный шаръ)



и будеме обносити вокругъ глобуса единъ меньшій шарикъ такъ, якъ то изображено на рисункѣ. Коли мы поставиме шарикъ межи свѣчку и глобусъ (на рисункѣ изображено числомъ 1,) тогда къ глобусу буде обращена неосвѣщенная часть шарика, и потому съ глобуса не буде видно шарика. Напротивъ, коли шарикъ буде находится въ положеніи 3-мъ, тогда съ глобуса буде видна вся освѣщенная сторона шарика. Если же поставиме шарикъ сперва въ положеніе 2-е, потомъ въ положеніе 4-ое, то въ обоихъ сихъ случаяхъ съ глобуса буде видна только половина освѣщенной части шарика.



Перемѣны мѣсяца.

Видъ мѣсяца, на котрый смотриме съ земли, измѣняется правѣ такъ, якъ измѣняется въ описанномъ опытѣ видъ шарика. Первое положеніе шарика соотвѣтствуете новолунію, коли мѣсяца (луна) совсѣмъ не видно съ земли. Коли мѣсяцъ передвигается отъ первого положенія къ второму, съ земли постепенно становится видна освѣщенная часть его, сначала въ видѣ дуге тонкого серпа, потомъ тотъ серпъ все убольшаея. Второе положеніе шарика соотвѣтствуете первой четверти мѣсяца, коли съ земли бывае видна только половина освѣщенной части луны, то есть полукругъ. А якъ мѣсяцъ

передвигается отъ второго положенія къ третьему, видима часть его все убольшаеся, и третье положеніе шарика соотвѣтствуетъ уже полнолунію. Послѣ сего мѣсяцъ опять начинае уменьшатися, и четвертое положеніе шарика соотвѣтствуетъ послѣдней четверти мѣсяца, коли опять съ земли видна только одна половина освѣщенной части его.

Время, въ которое мѣсяцъ совершае полный свой оборотъ вокругъ земли, зовеса мѣсяцемъ.

Вѣроятно чуди'сте, братья о затмѣніяхъ мѣсяца. Може дакотрый изъ васъ и видѣвъ такое явленіе. Оно бывае тогда, коли въ часъ полнолунія земля своею тѣнью закрые солнце отъ мѣсяца. Но бывають также и такѣ случаи, что мѣсяцъ приходивши между землею и солнцемъ, закрые солнце отъ земли и тогда въ день наразъ станеса темно и можно видѣти звѣзды на небѣ; такое затмѣніе зовеса солнечнымъ, або затмѣніемъ солнца. Сесѣ затмѣнія убѣдили людей въ томъ, что лишь сильный солнечный свѣтъ не позволяе намъ видѣти въ день слабый свѣтъ звѣздъ.

Звѣзды, котрѣ обыкновенно видиме на небѣ лишь въ ночи, суть по большей части такѣ же свѣтила, якъ и наше солнце, но между звѣздами суть и такѣ, котрѣ не имѣють своего собственного свѣта и освѣщаются лишь солнцемъ, такъ, якъ и мѣсяцъ. Тоты небеснѣ тѣла, котрѣ обертаются вокругъ солнца и не мають своего свѣта, но освѣщаются солнцемъ, зовутся планетами. И наша земля така планета.

Всѣ звѣзды, планеты, все безчисленное множество небесныхъ тѣлъ, розсѣянныхъ Творцемъ по небу, и тото безконечное пространство, въ котромъ по волѣ Создателя, носятся всѣ сесѣ тѣла, зовутся міромъ або Вселенною. Міръ такъ великій, что не е ему мѣры, не е конца. И весь тотъ міръ сотворивъ Всемогущій Богъ однимъ словомъ Своимъ; а прежде не было міра и не было ничего, кромѣ Бога. Узнаваячи безпредѣльный міръ, познаеме безпредѣльное величіе Творца міра, Его всемогущество и безконечну благодать къ намъ, за что и подобае Ему отъ насъ всяка слава, честь и поклоненіе!



## ПРОСТА БЕСѢДА.

— Слава Іисусу Христу!

— Слава и въ вѣки!

— Но Куме изъ торгу идете?

— Айно, ходивъ емъ доброе подечто куповати, несусито, греблицу и инше такое.

— Та ци платили худобу?

— Ой платили, котра добра была, але жида изъ Марамороса сговорилися и такъ недопустили, чтобы русины достали добру цѣну за худобу!

— Видите, жишовщина якъ знае въедно тримати!

— Ой тоты розумѣются!

— Знаете, что я видѣвъ?

— Ба что?

— Въ сосѣдномъ селѣ, на фарскихъ хлѣвахъ комины правлять, ачей будутъ худобѣ топити? Та еще что бы'сте не выдумали! Коминъ лишь тамъ звыкъ быти, где огонь кладуть.

— Но Куме, я вамъ потолокую причину.

— Ану кажѣтъ!

— Важное дѣло, якій воздухъ есть въ хлѣвѣ, ци теплый, ци студеный, отъ того много зависитъ здоровье худобы.

Въ студеномъ хлѣвѣ худоба велику теплоту мае выдати изъ себе, и зато много масти изтратитъ, и зато много больше треба ей ѣсти.

— То и я искусивъ, же коли велика студѣнь, та и хворость изъѣсть худоба!

— Но видите, помалы доведу васъ до розума!

— А дале якъ стоитъ дѣло?

— Въ дуже тепломъ хлѣвѣ лѣпше плодятся всякѣ бациллы, плѣсенина, грибы, отъ котрыхъ худоба достане всякѣ хвороты!

— Зато въ тепломъ хлѣвѣ такій смродъ великій!

— Знаете Куме, не каждой худобѣ еднаку теплоту треба, — простымъ конямъ 10—14 градусовой теплоты, лѣпшого філю конямъ: 14—15 град., роговой худобѣ 12

град., овцамъ, бо тоты обнятѣ волною 8 град., а коли волна обстрижена 12 град., свинямъ 10—12 град. теплоты треба!

— То красна бесѣда, Куме, тай и розумна, ба але якъ сій грады вимѣряти, люде кажутъ, же сосѣдний панъ превелебный мае якійсь инструментъ, котрымъ вимѣрюе дождь.

— Нѣтъ Куме, то чоловікъ и самъ знае, яка теплота мае быти, бо отъ хвилѣ зависить. Зато комины правили на сосѣдной фарѣ, коли теплота вонка, та отворять коминъ, и подлый воздухъ выйде вонъ, а коли зима велика, въ день отворять, а на ночь запрутъ!

— Но Куме, уже теперъ розумѣю, дякую за красну бесѣду.

— Будьте здоровѣ!

Иванъ Лоцуга.

## ГОСПОДАРСТВО.

### Якъ треба землю обробляти?

Вышняя часть землѣ есть плодovitа, если и не обробляеме, но парлагомъ лишиме, буде по ней рости трава, но если будеме обробляти ю, многоразъ заплатитъ нашъ трудъ и роботу.

Обробленна земля скорше возьме до себе мокроту и долго тримае въ себѣ. Воздухъ и теплота скорше перейде землю и плодovitую сдѣлае; земля буде розсыпчаста и такъ зерно въ ней корень великій пустить и добрый урожай принесе.

Землю наилучше обробиме ораньомъ и можно сказати, что отъ ораня зависить урожай. Чѣмъ большеразъ ореме, тѣмъ большій урожай можеме чекати. Якъ и давна приповѣдка каже: „Едно ораня единъ хлѣбъ, двичѣ ореме, два хлѣбы, а если триразъ ореме, три хлѣбы“.

Добрѣ орати лишь съ добрымъ плугомъ можъ и тотъ такъ глубоко пустиме и такъ борозды рѣжеме, якѣ хочеме. Великѣ борозды плугъ красно искладуе, но если хочеме обы земля розсыпчаста была, лѣпше малѣ борозды рѣзати. Коли не дуже глубоко ореме, 10 центим. мае глубоко ити до земли, по середно 10—20 центим., а глубокое ораня 20—25 мае



быти. Если глубоко ореме, можеме чекати дуже добрый урожай; тамъ, где не мокра или камениста земля, не вольно глубоко орати, бо еще загубиме на долгій часъ землю. По-зоръ треба давати, обы'сме помалы каждый рокъ глубше орали, обы наразъ не плодовита земля не пришла горѣ, бо сей земли больше часовъ треба, чтобы плодовитою сдѣлалася.

У насъ найпаче у малыхъ господарей видиме, что нигда не имѣють такий урожай, якъ чекають. Сему причина, что насѣня нигда не перемѣняють, въ осени стерни не приорють.

На ярину въ осени треба орати, у яри, коли земля просхла, лишь поборонити треба.

Землю толькоразъ треба орати, доки земля не буде розсыпчаста. Если стерень у осени поореме, не будеме мати у зернѣ буряновъ, бо сякій бурянь глубоко упаде до землѣ, если не погниѣ, на сѣня скоро изыйде.

Тамъ, где много землѣ, господарѣ звыкли лишити землю, обы спочила, т. е. угорити звыкли. Угорити дуже доброе дѣло, где мало гною, бо угоръ значить: половину гною. Но наилучшее дѣло по жнивѣ стерень приорати.

Важное дѣло за ораньомъ якъ борониме. Коли посѣеме зерно, треба землю поборонити, обы зерно земльовъ закрылося и груды розбилися. Боронити, коли мокро, не вольно, бо земля затопчеса и такъ больше шкоды изробиме, ибо зерно не посходитъ. Боронити звыкли съ терньомъ, съ зубатою бороною и съ округлымъ деревомъ. Съ терньомъ зато треба боронити, обы зерно глубоко не пошло до землѣ, бо пакъ не изыйде. Съ зубатою бороною треба боронити, обы груды розбила и буряны изъ землѣ выбрала. Съ округлымъ деревомъ поорату землю треба сбити, обы земля ровна была и избилося зерно, обы земля мокроту тримала въ себѣ.

## Планы селянскихъ хижъ.

Хижу не будуете собѣ человекъ на единъ годъ, но на должайшій часъ и зато при будовѣ строго треба уважати нато, обы будинокъ практично и здоровью отповѣдно бывъ сбудованъ.

Много зависить отъ того, на якомъ мѣстѣ будуется хижѣ, обы тото мѣсто не было мокрое, и обы окна хижѣ къ солнцю смотрѣли, ибо солнечный лучъ дуже хосенный для здоровья.

Прото и окна мають быти доста великѣ, и часто треба ихъ отворяти, и чистый воздухъ впускати.

Коли дакто хоче будовати хижу, впервыхъ мае собѣ составить планъ, где и въ якомъ порядкѣ сбудуе собѣ будинокъ, где буде комната, где сѣни и пр.

Единъ мѣряльникъ предкладае слѣдующѣ планы будовы хатъ для селянъ :

1. Для малоземельного господаря, котрый больше изъ заробку удержуеся и лишь одну корову удержати може, предкладае планъ, якъ на рисунку первомъ :

Якъ видиме, сеся хижѣ мае лише одну комнату, комору, сѣни и стайню. Для немного отже большого господаря, котрый держитъ уже больше даравовъ худобы, такое забудо-



ванье былобы за тѣсное; ему потребно большой стайнѣ. Для него отже практичнымъ буде будинокъ, якъ указано на томъ рисунку :





Туй сдѣлана, якъ видиме, така перемѣна, что комора перенесена на другу сторону сѣней, а черезъ то есть стайня побольшена, бо она сама занимае теперь то мѣсто, которое на первомъ планѣ занимали стайня и комора.

Уважати треба, что на первомъ и второмъ планѣ, не есть стайня добудована въ одинъ рядъ съ домомъ, но есть добудована отъ полночной стороны будынка. Такое добудованье стайни по другой сторонѣ будынка, есть дуже а дуже практичное. Въ томъ случаю не е потребы укладати оборника и закладати мѣсто на гноевку, — передъ дверми и окнами хижи. Тое снова дуже хосенно не лише для порядка, чистоты и здоровья, но и для оборника. Онъ бо не есть выставленный на высушанье его солнцемъ отъ полудня, — а есть затѣненный будынкомъ.

За стайнею можно урядити хлѣвокъ, дальше за нимъ поглубленое мѣсто на гноевку, которое повиннося накрывати. Заразъ коло него можно укладати оборникъ, а еще дальше побудовати стодолы съ боискомъ и шопою.

Жолобъ въ стайнѣ повиненъ быти уложеный при стѣнѣ притыкающей до комнаты, чтобы гноевка не подплавала подъ комнату.

Дальшій, третій планъ хижи есть назначеный для такого господаря, котрый лише не много дарабовъ рогатой худобы мае, но держитъ и конѣ, отже уже для маетного господаря.



Якъ видиме на планѣ, у него не есть вже стайня добудована до хаты. Тамъ где на второмъ планѣ есть выбудована стайня, у него есть кухня. Кромѣ того по другой сторонѣ сѣней есть тоже комната и комора. Для рогатой худобы, коней, муситъ быти поставлена уже отдѣльно стайня разомъ съ хлѣвомъ, коморкою на сѣчку и т. д., и снова

отдѣльно стодола съ боискомъ и шопою. — Послѣдній плянь — четвертый — есть назначенный для „богача“, котрый мае большое число и грубшой худобы и телятка, и конѣ съ жеребятами и т. д. — а держать у себе и больше челяди.



У него суть уже три комнаты, и кухня, но есть и для челяди отдѣльна комнатка. У него и стайни на конѣ, рогату худобу, хлѣвъ, сѣчкаря — мусяť быти обширнѣйшѣ, а тоже большихъ размѣровъ стодола съ боискомъ и шопою.

## ДОМАШНІЙ АДВОКАТЪ.

### Что нужно знати изъ права нашимъ селянамъ?

Нашъ народъ премного правотится, но лишь зато, бо не знае законъ, не знае параграфы, не познае судовѣ звычайи и сякъ неразъ у провбу зачнеся правотити. На конци научится на поединъ параграфъ, айбо за сесю науку дорого заплатитъ, по 400—500 коронъ.

Прото хочу тутъ въ сей газетѣ потолковати вамъ коротко дасколько вопросовъ, котрыхъ, якъ то я видѣвъ въ моей адвокатской практицѣ, не познае добрѣ народъ и прото наибольше шкody причинили нашему честному угрорусину.

Русинъ по большей части земледѣлецъ, скотоводникъ, и прото и правна жизнь его въ семъ кружѣ обертаеся.

Пять статей буду вамъ писати, и то о сихъ дѣлахъ: Репозиція (sommás visszahelyezés), 2. Хибы маржинскѣ и коньскѣ, за котрѣ отвѣчае продавающій газда, 3. Заложна земля и тридцать и два годное хоснованье, то есть приобрѣтеніе маетка такимъ долгимъ хоснованьемъ (elbirtoklás),



4. Переписанье маетковъ отъ родичевъ на дѣтей и контрактъ на держанье досмергное, 5. Порядокъ померщины, формальнѣ, тай матеріальнѣ потребности тештамента (завѣщанія.)

Теперь перейду такой на первый вопросъ.

## I.

### Репозиція.

О репозиціи уже дуже давнѣ законы говорятъ. Два законы суть, единъ изъ 1802. года 22., а другій изъ 1807. года 13. законъ.

Сесѣ законы изъ того происходятъ, что того, кто у маетку сидитъ, кто у своихъ рукахъ держитъ движимѣ и недвижимѣ дѣла, — скоро, подъ дуже куртомъ часомъ треба спомочи, обы назадъ у свои руки, у свою власность доставъ рѣчи, котрѣ отъ его рукъ взявъ датко другій на силу, самовольно, ажъ бы тоты рѣчи и не были того собственностью, отъ кого взяты.

То есть: никому не свободно собѣ судіеви, бировому быти. Ажъ бы и правда, что тота земля, тота ораница или косница, або корова твоя была, не свободно тобѣ отъ другого взяти самовольно, но ты маешь его заправотити и до-свѣдчати, что тоты рѣчи тебѣ прихотятся; тогда въ правѣ тебѣ будутъ ихъ судити и екекуторъ отбере отъ него и передасть тебѣ.

А кедъ ты не такъ будешь чинити, ай такъ будешь говорити: Тота ораница была моего няня. Онъ умеръ, братъ старшій дома бывъ, взявъ у хосенъ и уже 10 годъ, якъ хоснуе отъ тогды, а я плывъ по свѣту по заработкахъ, айбо теперь емъ пришовъ дому, земли половина стоитъ на мнѣ, братъ старшій не хоче ми упустити, я зато однако теперь иду, та половину изъ ораннцы собѣ поорю. И кедъ такъ учинишь, упадешь у велику бѣду, бо братъ поведе на тебе репозицію. Выйде на ораницу журать правный съ писарьомъ, тай съ двома адвокатами (фискалишами.) И тамъ братъ свѣдчати буде съ двома свѣдками, что онъ самый цѣлу ораницу уже 10 годовъ хоснуе, а другѣ два свѣдки досвѣдчатъ, что ты сей яри половину отобравъ, бо пооравъ есь, утратишь право, заплатишь подъ 8 днями, — хоть апеллуешь, хоть нѣтъ, — всѣ выдатки (кельчиги), котрѣ не разъ большу сумму выносятъ, якъ колько коштуе тота цѣла ораница. Айбо не е у тя грошей, мусишь продати ораницу, тай еще и дозичити изъ кассы. Сякъ зайде русинъ у бѣду!

А ажъ бы бывъ есь не сякъ чинивъ, ай выбравъ вытягъ изъ телекниги, занесъ до судіи (ярашбирова) или передавъ адвокатуви, была бы росправа у журата и тамъ братъ признався бы, что по правдѣ хоснуе ораницу, айбо зато не передае тобѣ у хосенъ, бо онъ самъ прятавъ нянька.

Тогда пакъ выучать брата, что половину твоей земли мусить тобѣ выдати, а за опроводнѣ выдатки мае окреме правотити, а тебе выучать, что половину прятаня маешь братови вернути.

Сякъ обое добре выйдете. И ты доставъ землю свою и братъ малымъ келчигомъ е выученый и ты безъ права выплатишь, что на тебе упаде.

А ажъ не сякъ чинишь, ай самовольно силою возьмешь, тогда платишь много и онъ тогда можешь правотити ведля телекниги брата, тогда пакъ правда, что тобѣ будуть судити землю, айбо выдатки нигда ти ся не вернутъ и поздно добудешь свою землю.

Изъ сего примѣра можеме видѣти, что тото репозиція.

Репозиція есть тое право, котрое обороняе того, котрый уже больше якъ единъ годъ, ажъ бы лишь и однимъ днѣмъ хосновавъ маетокъ (движимость або недвижимость) противъ того, котрый безъ властного розказу лишь силрю самовольно взявъ отъ него изъ его хоснованя у свой хосенъ. Сесе право отъ того часу, коли взяли маетокъ подъ однимъ годомъ треба завдати, по тому ужъ не можъ репозиціовъ правотити, лишь хибя телекнигою, якъ рядное право за маетокъ. Сесе право уже должайшее, бо туй уже треба свѣдчити и тото, что предметъ права моя собственность е, а у репозиції лишь только треба свѣдчити, что за единъ годъ и единъ день емъ хосновавъ.

Репозиціальное право можъ завдати и противъ того, кто совсѣмъ взявъ дѣло, и противъ того, кто лишь часть взявъ, такъ, что и ворошнѣ владѣтели годны единъ-другого правотити репозицією, кедъ единъ ворошнину не держитъ за давну, ай сего году уже инакъ, — кажѣмъ — роздѣленно зачне и хоче хосновати свою часть. Репозицію можъ далѣе и противъ того завдати, кто ни совсѣмъ ни частью не возьме дѣло, лишь въ маетку докучае, баламутить, на прикладъ на такомъ пути, где лишь я самъ ходивъ, зачне и другій ходити, противъ сего я маю репозицію просити.

Правотити можъ того, кто взявъ, или докучавъ, а кедъ сесъ умеръ до года, или подъ правомъ, тогда можъ его



потомковъ правотити. Можъ далѣе того правотити, кто тото дѣло купивъ, или доставъ, кедь сесъ знавъ, что тотъ, отъ кого купуе, безъ права самовольно силою взявъ то.

Въ сихъ правахъ не можъ свѣдчити, что чіе е дѣло, якъ властность. Завдающій не муситъ свѣдчити, что дѣло его е, лишь то, что онъ хосновавъ и сякъ въ сихъ правахъ и чужое судять тому, кто хосновавъ.

Репозицію и тогда можъ завдати, кедь дакто запретитъ хоснованя — на пр. погрозами.

Въ сихъ правахъ тото просится, что обы судилося, что заправоченный мае завдающему дѣло передати, а ажъ дѣло измарнивъ, цѣну мае заплатити, а у докучаню просится, что обы подъ карою запретилося дальше докучати на пр. что далѣе не свободно по путьомъ ходити, бо кедь дальше буде ходити, 100 коронъ кары мае платити. Далѣе въ обохъ случаяхъ просится, обы шкоду заплативъ заправоченный.

Изъ сего явно, что не свободно своею силою само вольно взяти ничъ, ай кедь такъ мѣркуе дакто, что ему ся дачто приходить изъ того, что другій держитъ у власти, треба того при належныхъ судіяхъ заправотити, бо самъ собѣ судія никто не годенъ быти, хотъ на колько мае чисту правду.

Наибольше разъ звывкли силою взяти, кедь на дакого при померщинѣ перейде земля. Кажуть, что: „Намъ передавъ землю панъ царскій нотарошъ, та мы можеме взяти“, и отъ другихъ, котрѣ или въ залогъ, или купили безъ табеллаціи, або другимъ способомъ суть въ власти земли, силою возмуть землю, а пакъ горько заплатятъ репозиціалнѣ выдатки.


А дальше совѣтую тымъ, отъ котрыхъ дакто силою взявъ дачто, най репозиціальное право духомъ завдадутъ хотъ фишкалишомъ, хотъ сами, бо тогда скоро и легко достанутъ назадъ хотъ свое, хотъ, нѣтъ, что хосновали, бо ажъ годъ единъ мине, дуже тяжко пакъ выправотити и свой власный маєтокъ. Долгое право, долгое свѣдчѣня треба переводити, на коли достане свое. — И ажъ не годенъ до-свѣдчити, дуже легко годно ся стати, что свое властное дѣло на охтема утратитъ.


Нашихъ русиновъ наибольша часть дуже удобна, и сякъ придалобся чужое, но однакожъ то совѣтую коротко: Чужое, ани свое отъ другого самовольно не берѣтъ, но и свое отобрати никому не дайте!

Др. Юлій Брацайно, адвокатъ въ Хустѣ.



## ЧТО НОВОГО ?

 ПО ПОВОДУ ПРАЗДНИКА Рождества Иисуса Христа сердечно витаеме всѣхъ нашихъ глубокопочтенныхъ дописователей и читателей и желаеме имъ счастливый новый годъ !

 СЛѢДУЮЩІЙ НУМЕРЪ „СЕЛА“ достане каждый читатель, котрый предплату зажене, або прійме сей первый оказовый номеръ. Для того просиме каждого, кто не хоче читати „Науку“ або „Село“, най зажене намъ назадь оказовый номеръ !

— ЮБИЛЕЙ ВПРЕОСВ. ЕПИСКОПА ЮЛІА ФИРЦАКА. Впр. епископъ Мукачевскій, Юлій Фирцакъ сего году исполнить 50-годъ своего священнослуженія. Духовенство, п.-учители и вѣрники епархіи мукачевской сей рѣдкій юбилей своего святителя ладятся достойно попрасновати. Въ семъ дѣлѣ предложено больше проіектовъ. Мы съ нашей стороны, знаячи доброе сердце нашего епископа къ его вѣрникамъ, такъ думаеме, что наймильшій буде для ювиланта такій памятникъ, котрый въ имени его подастся для поднесенія науки среди вѣрниковъ епархіи нашей. Впреосв. Юлій минувшого года выдавъ единъ пастырскій листъ, въ котромъ подробно предписуе якъ треба обучати подрослыхъ письму-чтенію и инымъ полезнымъ наукамъ. Помагайме Его Преосвященству, въ исполненіи сего святого его намѣренія ! Собирайме пожертвованія для юбилейной фундаціи им. Фирцака для того, чтобы изъ доходковъ сей фундаціи доставали учителя по 2—3 кор. за каждого возрослого, котрого научили читати-писати, и изъ сей фундаціи давалися бы азбуки и молитвенники для слушателей сихъ зимушнихъ курсовъ возрослыхъ. На сесю фундацію науки возрослыхъ мае даровати каждый свѣдомый угро-русинъ, хоть по 10—20 филлирамъ и тогды у короткій часъ не было бы у насъ неграмотныхъ !

— „ЭЛЕКТРИЧНОЕ ОКО“. Петербургскій профессоръ Роснигъ вынайшовъ приладъ, помочью котрого можно видѣти дуже далеко. Приладу надавъ онъ названіе : „электричное око“. Профессоръ доноситъ теперь въ часописяхъ, что при помочи сего прилада можно буде здоймати электричнѣ фотографіи, такъ что можъ буде фотографовати найбільшѣ глубины землѣ, океановъ и вулкановъ. Проф. Роснигъ подае дальше до вѣдомости, что цѣна такого аппарата, котрый не удалгій часъ буде сконструованный, не буде высша, якъ 600 коронъ.



# КНИГОПЕЧАТНОЕ АКЦИОНЕРНОЕ ОБЩЕСТВО УНІО ВЪ УНГВАРѢ

издало слѣдующіи учебники и молит-  
венники для греко-кат. школъ:

	Цѣна.
Д-ръ Александръ Микита: Малый Катихизмъ, для II—IV. клас- совъ народныхъ школъ (по русски и по мадьярски) . . . . .	24 фил.
Д-ръ Александръ Микита: Средній Катихизмъ, для V—VI. клас- совъ народныхъ школъ (по русски и по мадьярски) . . . . .	42 фил.
Д-ръ Александръ Микита: Великій Катихизмъ, для среднихъ школъ и для подростковъ (по русски и по мадьярски) . . . . .	80 фил.
Д-ръ Микита—Мустяновичъ: Литургика (по русски) . . . . .	40 фил.
Авг. Волошинъ: Мала Библія (по мадьярски и по русски) . . . . .	44 фил.
Авг. Волошинъ: Азбука (руська) . . . . .	40 фил.
Авг. Волошинъ: Мадьярскій Букварь . . . . .	40 фил.
Авг. Волошинъ: Читанка (руська) . . . . .	60 фил.
Авг. Волошинъ: Мадьярска Читанка . . . . .	60 фил.
Авг. Волошинъ: Метод. Грамматика (руська) . . . . .	20 фил.
Авг. Волошинъ: Практична Малоруська Грамматика (по мадъ.) . . . . .	2 кор.
Ангелъ Господень. (Молитвенникъ для дѣтей, по русски, и по мадьярски) . . . . .	30 фил.
О. Андр. Карцубъ: Хлѣбъ Душевный. (Молитвенникъ для молодежи) . . . . .	кор. 20 фил.
О. Петръ Гебей—Юсифъ Малиничъ: Великій Сборникъ въ полу- кож. перепл. 6 кор., въ кож. съ червенымъ обрѣзомъ 8 кор., съ золотымъ обрѣзомъ . . . . .	10 кор.
Подробный учебный планъ для народныхъ школъ, съ методич- ными указаніями (по мадьярски) . . . . .	2 кор.
Книжочка свидѣтельства (Értesítő könyvecske) для учениковъ греко кат. школъ . . . . .	12 фил.
Протоколы для принятія учениковъ (на 200 уч.) . . . . .	2 кор.
Протоколы для записанія преподаваній (Haladási napló) . . . . .	2 кор.
Протоколы для записанія посѣтившихъ школу (Látogatási napló) . . . . .	2 кор.
Протоколы для записанія успѣха учениковъ отъ . . . . .	2 до 5 кор.

Молитвенники, катихизмы и библіи одобрены епар-  
хіальною властью, учебники же и протоколы мини-  
стерствомъ народопросвѣщенія.



# МАШИНА ДО НАУКИ

## ЧИТАНЬЯ=ПИСАНЬЯ И РАХОВАНЬЯ.

Новое учебное средство.

Одобрено министерствомъ подъ числомъ 114254  
1909.

На сей машинѣ якъ рисунокъ указуе, буквы (изъ вытягнутой скринѣ) передъ учениками може учитель складовати въ слова, тай и дѣти сами могутъ составлять слова, бавитися съ буквами и выкладенное доразъ и написати на отворенну таблу.

■ ■ Сякимъ способомъ улегшится работа учителя и учениковъ, ибо скорше и бавлячися заскѣпнть собѣ дѣтина въ умъ знаки и звуки буквѣ.



Наука читанья-писанья.

Коли идъ рахункамъ хочеме употребляти машину, тогда внѣшная табла не отворится и не скриню для буквѣ, но рахункову раму треба вытягнути, на полицяхъ котрой можемо раховати съ кубами (им. Тиллиха) и столпиками. Что тамъ выкладено, то на таблѣ можеся срисовати, або написати.

Въ котрой школѣ буде сея машина, той уже не треба буде купити: ни стѣнныхъ читающихъ таблицъ, ни движимыхъ буквѣ, ни рахуючей машины, ни другой черной таблы.

➡ Продаеся за 60 коронъ у ниже подписанного. ➡

**АВГУСТИНЪ ВОЛОШИНЪ**

профессоръ греко-лат. учительской препарандіи въ Унгварѣ.